



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Svmma, Sive Avrea Armilla Bartholomæi Fvmi Placentini,  
ordinis Prædicatorum, ac hæreticæ prauitatis Inquisitoris**

**Fumo, Bartolomeo**

**Antverpiae, 1570**

Svspitio.

**urn:nbn:de:hbz:466:1-30427**

dicti, quas incurtissent in ipso ordine, vel ante eius ingressum, ac etiam laicos volentes ingredi, nisi adeo excessus esset enormis, ut merito esset consulenda sedes apostolica. Bonif. Alexand. in privilegio, Virtute. Sed in concilio Laterano, sub Leone X. sessione 11. dicitur quod volentes profiteri ordinem mendicantium, ubi agitur de interesse tertij, non possint absolui, nisi praeuia satisfactione. Item praedicti praetati possunt a suis confessoribus obtinere dispensationem ab irregularitate, quam contraxissent proferendo sententias suspensionis, vel interdicti, sine scriptis ex incantela clem. in privilegio exigentibus. Sunt tamen inspicienda privilegia aliorum ordinum circa huiusmodi, si habent & ipsi. Nam fere omnes ordines in privilegiis, & gratiis communicant, praecipue mendicantes, ut patet de praedicatorum ordine, qui privilegium omnium aliorum ordinum gaudet.

## SVSPITIO.

**S**VSPITIO quadoque oritur ex eo, quod quis est in simili peccato, propter quod facilius alios tales credit, quandoque ex malo affectu ad proximum, quandoque ex experientia, unde senes communiter sunt suspiciosi. Et quia suspitio quandam ambiguitatem importat, ideo quandoque ambignus est in huiusmodi, siue ex leuibus signis, siue ex grauib? suspicetur malum de proximo, nunquam tamen est mortale, quia non diffinitiuam determinationem infert. Et licet sit temeraria suspitio, & contemptus aliqualis proximi, non tamen complete continentur, nec prorumpit in temerariam sententiam, quia successet mortale supra iudicem §. 8. Est tamen veniale mala suspicari de proximo. maxime ex leuibus signis, imò quando videntur mala, bona credi debent, vel bona saltem intentione facta. de hac materia vide Tho. secunda secunda q. 60. a. 3. supra iudicium §. 11. & ult. concord. Caie. in summa. ibi.

## SVSVRRATIO.

**S**VSVRRATIO qua quis obloquitur amico inter aliquos tollit, ex

suo genere mortale peccatum est, quia tendit ad nocumentum proximi, non qualecunque, sed graue, videlicet tollere amicitiam, quod est bonum melius honore & fama, ideo grauius est detractio, & contumelia, ex S. Tho. secunda secunda q. 74. Est autem veniale ex imperfectione actus, vel quia non adest intentio auferendi amicitiam, vel de re minima, vel quia iocose dicit. Not. tamen quod licet quis non intenderet tollere amicitiam, si tamen incaute obloquitur talia, quae ex natura sua sufficiunt tollere amicitiam, & de facto tollunt, non excuso tale a mortali, quia tunc actus redit in naturam suam speciei, ut de detractioe supra dictum est. Tenebatur enim aduertere quid poterat sequi, sicut qui proicit lapidem, debet aduertere ne aliquem percutiat. Si tamen quis referet aliquid non ad auferendum amicitiam, sed ad vitandum maius malum, non credo peccare: ut si quis dicat Titio, caue à Socrate, quia vult occidere te, quia malum non intendit, sed bonum, cum aliter providere non potest huic malo, dummodo non sit maius malum, quod sequitur, quam quod vitare intendit, secundum Silab.

## TABELLIO.

**T**ABELLIO, notarius, publica persona, scribarius, quod idem sonat, sunt à principibus, regibus, Papa, ciuitatibus habentibus iura principum & à quibuslibet aliis, secundum Inno. in c. cum P. de fid. inst. & possunt conficere instrumenta in loco, seu territorio constitutendum, & non extra, secundum Pan. in d. c. cum P. confecta tamen instrumenta in loco constituentis, si extra ostendantur, valent, secundum communem opinionem, ut not. Pan. in d. c. cum P. Idem tenet Sil. ver. Tabellio. q. 4.

**D**YAE honesta persona supplet vicem tabellionis, quando non potest commodè tabellio haberi, ut in c. quoniam contra. de proba.

**R**ELIGIOSI qui in seculo fuerunt, tabelliones, & officium tabellionat? exercuerunt, possunt idem officium exercere in causa fidei tantum, ut de hære. c. ut officium. in 6. §. ad scribendum,